

rannus potest considerari: primo ob usurpationem, & invasionem alieni regni: secundo improbo usu, & exercitio jurisdictionis. Primo casu Principi tyranno obstitendum, resistendumque est, quo modo tyrannus erat Philippus in presenti specie. Secundo casu Principi legitimo, sed tyrannice regenti, & gubernanti suum Principatum parendum est, ex iuribus supra citatis, cum adhuc Regno privatus non sit: quare legitimus dominus naturalis censetur.

Ex supra traditis accipit lucem textus in extravagan- ti- ca Joannis XXII. in Sede vac. ubi cum post Clementis V. obitum vacasset Romana Sedes annis duobus, mensibus, diebus 17. & eo tempore Henricus Imperator decessisset, Im-

peratores electi fuerant a variis Ludovicus Dux Bavarie, & Fridericus; cum armis superior evaderet Ludovicus, abique Pontificia confirmatione Imperium occupavit, quem anathemate percussit Joann. XXII. & constituit, ne ullus vacante Imperio regimen susciperet, nec tamquam Vicarius: quae constitutio ex supra dictis lucem accipit; nam cum ex Pontificia jurisdictione proveniat electio Imperatoris, & a Romano Pontifice petendo sit confirmatio, iuste, & jure potuit Joannes XXII. Ludovicum excommunicare, cum abique confir- matione Pontificia Imperii regimini se ingessisset: & simul ratione propria jurisdictionis potuit Joannes XXII. consti- tuere, ne vacante Imperio Vicarius eligeretur.

CAPUT XXXV.

a Idem.

Coram dilecto filio nostro tit. S. Pudenzianæ Prebytero Cardinali. Et infra: Si vero utriusque partis fuerit electio cassata, vos fratribus omnibus, qui fuerint in provincia, & convocatis, quod majori, & saniori parti eorum super prædictis videtur complacere, faciatis per censuras ecclesiasticas firmiter observari.

NOTE.

1 a Idem.) Licet textus iste reperitur in quarta collectio- ne, sub hoc tit. c. 1. tamen non constat, cui missa sit eius decisio, & ubi præsens casus contigerit; tantum ex eo deduci valet, de hac causa cognovisse Cardinalem tit. S. Pudenzianæ, qui titulus Cardinalitius pertinet ad Basilicam S.

Mariz Majoris, ut refert Cohelius in notitia Cardin. cap. 6. Ex hoc textu deducitur, ad electionem vocandos esse omnes jus suffragii habentes dum tamen intra provinciam existant: quam partem examinavi in cap. cum inter 18. hoc tit. Etiam ex hoc textu probatur electionem factam a majori, & saniori parte, esse confirmandam a superiore: quam assertio- nem late exponam in cap. Ecclesia 57. hoc tit.

CAPUT XXXVI.

Idem a Parmensi Episcopo, & ejus consuevitibus.

Bona memoria S. Episcopo b Cremonensi in extremis agente, cum de convalescentia desperaretur ipsius, Cremonense Capitulum H. Canononicum suum e Regii disciplinis scholasticis insistentem, ad certum terminum in vigilia Pentecostes pro futuri electione Pontificis citari fecerunt. Verum secunda feria post Pentecosten dicto Episcopo viam univerſæ carnis ingresso, Capitulum antequam corpus illius esset traditum d sepultura, abſente Canonico memo- rato, in quatuor de ipſo Capitulo, & e tres de Clero civitatis potestatem eligendi Pontificem contulerunt, expreſſo, ut minor pars illorum septem sequeretur in electione majorem. Habito itaque post mortem, sed ante sepulturam tamen ipſus Episcopi, de futuri Paſſoris electione tractatu, cum vota illorum scinderentur in partes, quatuor in Archi- presbyterum, duobus in Archidiaconum, uno in alium consentientibus, tandem illo sepulto, minoris partis arbitrio ad judicium accedente majoris, eundem Archipresbyterum concorditer elegerunt; qui electioni Archidiaconus cum Capitulo, & Clero civitatis, nullo contradicente, consentit. Verum adventus postmodum H. & assertens se fuisse contemptum, ac propter hoc electionem hujusmodi nullius fuisse momenti, quasi jus eligendi devolutum fuisset ad ipsum, pro se, prout potuit, Archidiaconum memoratum elegit. Constituto autem H. pro sua, & dilectis filiis no- stris F. & N. pro electione Archipresbyteri coram nobis electionem ab ipſo H. post electionem Archipresbyteri non cassatam, licet, de viro multæ literaturæ, honestæ vitæ, ac claræ famæ, non tamen sine multa temeritate præsum- ptam, cum de priori nostrum debebat f expectare judicium, antequam procederet ad secundam, duximus irritandam, in penam interdicentes eidem contradictionis vocem, in primo consensu Capitulo perdurante. Electionem quoque Archipresbyteri, quamvis laudabile testimonium perhibeat de ipſo, justitia exigente cassavimus: tum quia corpore de- functi Episcopi nondum tradito sepultura, habere de ipsa electione tractatum, contra canonicas & sanctiones: tum quia inventus est H. fuisse contemptus, licet unus solus extiterit; cum plus in talibus consecuerit unius contemptum obesse, quam multorum contradicere in presenti. Nec prædicta debet dici valuisse citatio, quia cum Episcopi mortem præveniret, temeraria nimis extitit, & non potuit arere citatum. Ad hæc volentes Cremonensi Ecclesiæ specialia sollicitudine providere, concedimus, & mandamus, ut si Capitulum voluerit in suo perdurare consensu, ipsam Archipresbyterum auctoritate nostra in Pastorem Cremonensis Ecclesiæ concedatis, alioquin nisi forte infra undecim dies de persona idonea in Pontificem sibi, & Ecclesiæ suæ providerint per electionem canonicam, & concordem, vos eidem auctoritate Sedis Apostolicæ de ipſo Archipresbytero, vel Archidiacono, seu de alio viro idoneo providere curetis.

NOTE.

1 a Parmensi.) Ita etiam legitur in cap. 2. hoc tit. in 4. collect. Parma ubi. Parmensis civitas, Inſubriæ nobilissima urbs, in via Æmilia sita est: cum Imperii Romani florente fortuna floruit, postea modo arbitrio suorum, modo Romani Pontificis gubernata fuit, ut referunt plura de eius origine, & progressu adducentes Merula de antiq. Gallia, lib. 2. c. 2. Andreas Scotus in itinerario Italia, lib. 1. pag. 170. Habet Ecclesiâ Cathedralẽ Deipatræ Assumptiõis dicatam, ut vetus marmorea inscriptio ejus testatur, ubi: Templum hoc olim Divo Herculano dicatum, Paschalis Pontificis Romani vultu solemnè in Parmensium gratiam Assumptæ Virginis illa ipse consecravit 6. Kal. Octobr. anno 1106. Ejus Præſidium extaleſum tradit Ughellius tom. 2. Italia sacra, fol. 132. Opizoni ejus Ecclesiæ Præſuli missa est hæc decisio, qui floruit temporibus nostri Innocentii, ut videtur esse apud Ughellium ubi sup. ejus etiam mentio fit in c. causam 7. de præſcrip.

b Cremonensi.) Sed quomodo casus Cremonensis Episcopi potuit contingere temporibus Innocentii III. cum iam Ecclesiam in Episcopalem exeret Gregorius XIII. anno 1580. ut constat ex Bulla creationis, quam refert Ughellius d. tom. 2. fol. 24. Sed dicendum est, diversam prorsus esse civitatem Cremonensem a Cremonensi. Crema enim, quæ est suffraganea Ecclesiæ Bononiensis, de qua Merula ubi sup. Scotus d. l. 1. p. 117. est tantum Episcopalis a temporibus Gregorii XIII. Cremona vero, quæ est civitas Gallie Cisalpinæ, non procul a Mantua, de qua plura ubi sup. c. 10. Bernardus Saccus l. 9. hist. Ticinensis, cap. 6. Scotus d. lib. 1. pag. 216. Episcopalis

erat temporibus nostri Innocentii, cum præsens casus contigit.

c Regii.) Regium Lepidi, juxta Parmam, pulchra civitas est, tamen latius fines non extendat, in medio viæ Æmilia sita: post Imperium Romanum a Longobardis, & Gothis excidium passa est, postea diversorum Comitum jugum sustinuit, donec temporibus Adriani VI. Estensis sub titulo Ducatus eam administrarunt: plura de ea tradunt Merula d. c. 2. Scotus d. l. 1. Ughell. tom. 2. Italia, fol. 300.

d Traditum sepultura.) Cum corpus Prælati humatum non est, imo ante ejus depositionis diem traditum electio successoris fieri non debet, c. nullus d. 2. 79. dist. ubi Acugna, Dartis, & Barboſa. Tamen id non ſervatum in electione R. P. refert Petrus de Vineis l. 1. ep. 33. & in electione Proci Patriarchæ CP. tradunt Socrates l. 7. c. 31. Nicephorus l. 11. c. 37.

e Et tres de Clero.) Compromitti enim potest non solum in eos, qui sunt de corpore Capituli, verum, & in extraneos, dummodo laici non sint, c. sacrosancta, hoc tit. Dixi in c. causam, supra.

f Expectare judicium.) Contra textum in c. consideravimus, ubi aliqua adduxi, hoc tit.

g Sanctiones.) Videlicet textus in c. obnoxius, 63. dist. c. nullus, d. 2. 79. dist. licet tractatus consultius haberi possit, juxta textum in c. si transiens, 79. dist. Sed licet prohibitum sit futurum pastorem eligere ante obitum, & humationem prædecessoris; tamen si electio ante humationem de facto celebratur, valet, & ſuſtinetur, cum plures evenire possint cauſæ, quæ hæc cõleritatem expostulent, c. Episcopo 3. 8. q. 1. docent

docent Lambertus de jurapat. l. 2. p. 2. q. 2. Petr. Greg. de elect. c. 13. n. 5. Unde in nostro textu si non adfuisset contemptus auctoris electio, electio defunderetur; Neque contrarium probant verba relata nostri textus, quia hæc causa præventa, & accelerata electionis inter alias refertur, non vero assertur eam per se sufficere ad irritandam electionem, sed tantum conjunctam cum aliis, ut pro nostri textus expositione docent Lambertinus, & Petr. Greg. Nec etiam adversatur text. in d. c. nullus, 79. dist. quia procedit de honestate, non vero de necessitate; ita ut juxta honestatem post depositionis diem tertium debeat electio celebrari, non vero antea: docet Miranda relatus a Barb. in præf.

h Contemptus.) Contemni elector duplici modo potest. Primo si non vocetur, cum vocari debebat, cap. quod fecit, hoc tit. Secundo si vocatus non admittatur ad electionem. Tamen, tom. 1. dist. 1. quæſtio 3. utroque autem casu electio non est nulla ipſo jure, sed annullanda judicis ſententia, si de contemptu agatur, d. c. quod fecit, Panorm. hic, n. 4. Petr. Greg. de electione c. 14. n. 5. quare nullo modo dici potest, facultatem eligendi ad electorem contemptum esse devolutam, c. super eo, hoc tit. ut male Hostiensis in nostro textu probat; unde si contemptus ſententia electio, tanquam ab omni vitio immunis ſuſtinetur, ut dixi in c. cum inter, 16. hoc tit. ex cujus commentario, quæ hæc ſpectant petenda ſunt.

CAPUT XXXVII.

a Idem.

Cum ad nostram nuper notitiam devenisset, quod H. qui se pro Abbate b Luxovin. gerebat, non fuerit ante monachus quam electus: Nos attendentes, quod contra regulares traditiones illud fuerit attentatum, cum nullam spem, vel promissionem habens, ut Abbas fiat, debeat e monachari, electionem de ipſo factam de consensu fratrum nostrorum curavimus irritare. Quocirca mandamus, quatenus tam monachis, quam aliis Fidelibus monasterii memorati ſtudeatis ex parte nostra districtius inhibere, ne præſato H. ullam obedientiam, vel reverentiam propter jamdictam electionem valeat exhibere; & si quid in eodem monasterio disponendo perperam attentaverit, nullum robur habere volumus firmitatis, sed penitus irritari.

NOTE.

1 a Idem.) Ita etiam legitur in quarta collectione, sub hoc tit. c. 3. qui tamen missa fuerit præsens decisio, non constat; credo tamen ad monachos Benedictinos Lexoniensis diocesis spectare.

2 b Luxovin.) Ita legendum est, nam in presenti agitur de Monasterio Luxoviensi, quod est in Gallia, in Comita-

tu Burgundie, de quo plura tradunt Fratres Sarmat. tom. 4. Gall. Christ. fol. 585.

c Monachari.) Id est monachus fieri, ut enim canonicari ponitur, pro canonicum fieri; ita, & monachari pro monasticam vitam profiteri. Gosfridus Vvindoniensis lib. 4. ep. 13. ibi: Summa precum infirmitate monachasti. Et ep. 50. ibi: Quos monasterio nostro monachandos misisti. Notat Bolquet. lib. 1. ad Lucæ. III. ep. 13. Commentarium hujus textus tradidi in c. cum Magistrum, hoc tit.

CAPUT XXXVIII.

a Idem M. tit. S. Laurentii in Lucina Presbytero Cardinali, Apostolica Sedis Legato.

Officii tui laudabilem persequeris actionem, cum super illis, de quibus dubitas, per nos postulas edoceri. Sane nobis tuis literis mandasti, quod cum monasterium quoddam possessionibus b convenienter ditatum, sed postquam in medio nationis pravæ pariter, & perverſæ, Pastore careret, monachi de electione Abbatis tractantes necessarium duxerunt personam eligere aliquam, cujus potentia valeret a persecutoribus liberari. Cumque non possent sui Ordinis idoneam invenire personam, in quemdam virum nobilem oculos direxerunt, per quem melius poterat defendari; & consilio quorundam Jurisperitorum adierunt patrem ipsius, humiliter postulantes, quod filium suum c induceret, ut habitum suscipere monachalem, nullam patri de ipsius promotione d fiduciam tribuentes; & pater ad hoc induxit filium discretum, providum, litteratum, & vigintiquinque annorum ætatis, qui monachus est effectus, nulla spe, ut asserit, de sublimatione tributa. Sed die, in quo monachus est effectus, fuit in Abbatem electus, cujus electio fuit per dilectum filium nostrum G. de Lab. Subdiaconum nostrum, Rectorem Messanæ, Apost. Sedis Legatum, qui omnibus prædictis interfuit, confirmata. Cum autem idem paratus sit purgare se, quia nulla fuit ad hoc ambitione indulus, per literas nostras postulas edoceri, utrum huius Legatus potuit hujusmodi electionem confirmare, vel dispensare, ut quod factum est, stare possit; & utrum electione rite cassata, iterum valeat eligi in Abbatem. Nos autem consolationi tuæ taliter respondemus, quod licet ex his, quæ incontinenti subsecuta sunt, ostendatur, quod talis taliter eligi non possit in Abbatem, maxime ex eo, quod antequam esset discipulus, voluit esse magister, electionem illam irritam esse decernimus, & inanem. Verum postquam fuerit in regula competentem instructus, si urgens necessitas, & evidens utilitas ipsius monasterii postulaverit, purgatione e recepta poterit in Abbatem assumi, ne monasterium opprimatur iniquis malignorum.

NOTE.

1 a Idem.) Hujus textus inscriptio corrigenda est ex inscrip- tione textus in c. officii de restam. c. officii, de pan. & veniſſi. c. officii de sent. excom. ubi tantum legitur, Cod. Præſby. Cardinali Ap. Sed. Legato. Cum enim C. presb. Cardinalis tituli S. Laurentii in Lucina (qui titulus Cardinalitius spectat ad Basilicam S. Laurentii extra muros, testante Cohelio in notit. Card. c. 7.) Legationis officio fungeretur, consulti Innocentium III. super diversis quæſtionibus, quarum prima refertur in nostro textu, secunda in d. c. officii, de restam. tertia in d. c. officii, de pan. ultima demum in d. c. officii, de sent. excom. nostra autem decisio reperitur in quarta collectione, sub hoc tit. c. 4.

2 b Convenienter ditatum.) Debet enim quodlibet monaste-

rium tempore suæ fundationis competenter dotari, ut monachi congrue sustententur; quod primis Ecclesiæ temporibus observatum fuisse probat Nicolaus Lemaitre lib. 2. de iuribus Ecclesiæ, c. 8.

c Induceret.) Licet parentes non possint cogere filios ingredi, & profiteri religionem, possunt tamen eos inducere; nec ita inducentes hodie excommunicationem incurrunt, ex dispositione Concilii Tridentini session. 25. cap. 18. ut refert decisum a Cardinalibus Bar. ibi, numer. 5. & de potest. Episcopi allegacion. 104. n. 3.

d Fiduciam tribuentes.) Quod prohibitum est Ecclesiæ legibus, c. per laicos, 16. qu. 7. plura Anton. August. in epitome, lib. 9. tit. 5.

e Recepta.) Præſtito videlicet juramento, se ingressum non fuisse, ut in Abbatem eligeretur.

CAPUT XXXIX.

a Idem.

Illam quotidiana instantia. Et infra: Quia pro certo didicimus, electionem de ipſo factam canonicam extitisse, ipsam auctoritate Ap. duximus confirmandam, suppletes de plenitudine potestatis, si quis in ea ex eo fuisset defectus, quod quidem interfuissent electioni eidem, qui ex sola participatione in simplicis excommunicationis laqueum inciderunt.















Trid. sess. 23. de Regul. cap. 6. & ea, que addunt Tambur. Garcia, & Pelliz. supra laudati: & an suffragium necessario voce praesentium sit, dicitur in c. Ecclesia 44. hoc tit. & Publicanus factus. Antequam a loco electionis discedant feruntur, vel ad alios actus se convertant, unoque contextu; ut in testamento condendo prescribitur in l. heredes, ff. qui testam. Voca autem in communi publicari dicuntur, quando integre eorum numerus publice congregationi propalatur, non explicando quot ex ipsis in unam, vel in aliam personam conferentur; sed tantum profertur numerum personarum, quae suffragium habuerunt: quae solemnitas essentialis est, ut certior fiat collatio suffragiorum, & ut publicatio serutinio non possint electores variare, c. publicata, hoc tit. docent Petr. Gregor. de elect. c. 16. n. 11. Tambur. d. g. 5. n. 15. Garcia ubi supra, dub. 7. Julius Lavorus de elect. c. 19. n. 100. h. Cellariane facta. Hec collatio fit numeri ad numerum, veli ad zelum, meriti ad meritum, c. in Geseff, c. Ecclesia, c. Cumana, hoc tit. ut sic potest cognosci, an ferior, an major pars elegerit: hodie autem cessat hac collatio post Trident. sess. 25. de regul. cap. 6. ubi statuitur, ut in electionibus tantum major pars respectu numeri, non vero sanior attendatur.

1. Major, & sanior. Juxta ea, que adducimus in cap. Ecclesia hoc tit. 2. Aliquis viris. De electione per compromissum egi in cap. causam 8. hoc tit. 3. Ratio non valet. Licet Suarez, Sanch. & alii relati a Barbosa d. c. 19. n. 131. teneant, ex his verbis non irritari ipso jure electionem, sed potius esse irritandam; contrarium tamen videlicet electionem ipso jure nullam esse, merito defendunt Julius Lavorus de elect. cap. 19. numer. 10. Tambur. d. disp. 5. quest. 22. numer. 9. Barbosa d. cap. 19. numer. 131. Garcia d. disp. 5. dub. 2. 4. Per inspirationem. Electio per inspirationem contingere dicitur, cum communi consensu, Spiritu sancto ulro impellente, concordati animo, omnibus postulantibus quis eligitur; quam formam in electionibus Rom. Pontificum aliquando observatam legimus, ut retuli in cap. 5. hoc tit. in electio-

nibus vero inferiorum Prælatorum raro contingit. De electionis forma late agunt Samuelius de elect. disp. 1. contr. 3. Lavorus eod. tit. c. 7. Hieron. Garcia supra, dub. 1. Cohelius in notis. Cardin. c. 13.

5. Per sententiam, non ipso jure, c. Cumana, hoc tit. unde secundam electionem factam ab ipsis electoribus ante sententiam declaratoriam, defendunt Lotharius de rebus. l. 2. q. 19. n. 66. & 67. & lib. 3. q. 17. n. 105. Tondutus resol. canon. q. 17. n. 6.

6. Non possit. Cum abesse elector, qui de jure vocandus est, iusto impedimento detentus venire non potest, procuratorem ad suffragium praesentandum constituere valet, c. si quis 46. hoc tit. lib. 6. Tamb. d. disp. 5. q. 4. Hieron. Garcia r. 2. polit. regul. disp. 2. dub. 5. Vilcherius de elect. Regis Roman. pag. 77. Petr. Gregor. lib. 1. part. tit. fin. cap. 4. Patianus de probat. l. 4. c. 30. Non tamen hoc absolute procedit, sed certis concurrentibus conditionibus. Prima, ut sit elector abfens in eo loco, ubi vocari debeat, & ubi venire possit. Secunda ut iusto impedimento detineatur. Quæ si non concurrant, procurator constitutus non admittitur, c. scriptura, iuncta integra, hoc tit. prosequitur alia de ipso procuratore Julius Lavorus de elect. c. 17. n. 32.

7. Juramento. Ob rationem textus in cap. in cui de officio deleg. lib. 6. 8. De ipso collegio. Et qui alias per se suffragium non habeat, c. penult. q. perno, hoc tit. in 6. & si procurator extraneus constituitur, & ceteri electores consentiant, valet electio, ut docent Tambur. ubi supra n. 1. & 2. Hieron. Garcia d. dub. 1. n. 8. Non potest tamen abfens mittere votum in scriptis, d. c. si quis 46. hoc tit. in 6. nisi contrarium consuetudine introductum sit, ut in aliquibus Religionibus observari testatur Garcia ubi supra numer. 8.

9. Clandestinitas. Clandestina electio dicitur, que fingulariter, & per occultam conventicula, c. 2. d. 79. quando non fuit facta publicatio, c. univ. ut ecclesiasticis beneficiis: que merito reprobat, quia censetur fraudulenta, & dolosa, l. final. ff. de ritu nuptiar. cap. cum inhibito, §. 1. de clandestinis, d. disp. explicat Julius Lavorus de elect. c. 18. n. 9.

G A P U T XLIII.

Idem in a eodem.

Quisvis electio de se facta per secularis potestatis abutium consentire præsumpsit contra canonicam libertatem, & electionis commodum caret, & ineligibilis fiat, nec absque dispensatione ad aliquam valeat eligi potestatem: quinimo qui electionem hujusmodi, quam irritam esse censemus, præsumpsit celebrare, ab officio & beneficiis suspendatur, eligendi tunc potestate privati.

N O T A.

1. Adem. Concilio videlicet Lateran. cap. 25. ubi extat hæc decisio, quæ etiam reperitur apud Antonium Augustinum sub hoc tit. c. 10.

2. Possessio abutium. Ut si laicus interfuit elector, cap. cum terra, cap. quod sicut, hoc tit. aut cum immediate propter laicum eligitur, tunc enim per abutium potestatis laicalis electio dicitur, cum alias nisi propter laicos non eligetur: quo modo hæc verba accipiunt Petr. Gregor. lib. 4. part. tit. 7. c. 2. Tambur. de iure Abbat. tom. 1. disp. 5. quest. 22. numer. 11. Barbosa in præfatu.

3. Libertatem. Verendum enim erat in hoc casu, ne laici deciperent usurpant facultatem fe ingredendi electionibus ecclesiasticis, ac per consequens cum plena libertate non fierent, contra eorum naturam, c. dilectissimi 8. qu. 1. c. sacrosanctia, hoc tit.

4. Suspendantur eligendi. Ex his verbis deducitur, suspensionem a beneficio non ideo esse privatam eligendi facultate, cum post penam suspensionis a beneficio infligam, ut diversæ pena apponatur privato facultatis eligendi, ut etiam contingit in c. cum in cunctis, §. ult. hoc tit. Illud autem in præfatu difficile videtur, quomodo videlicet si suspensio in hoc textu erat, non solum a beneficio, verum & ab officio, ut diversæ pena ponitur privato eligendi, cum in suspensione ab officio comprehensa esset? Sed respondendum est, ut diversam penam poni a suspensione ab officio privationem juris eligendi, quia inter eas magnum dabatur discrimen; pena enim privationis juris eligendi incurrebat ipso jure, ibi, privatus; pena vero suspensionis ab officio, & beneficio, post sententiam, ibi, suspendantur. Ita nostrum textum interpretatur P. Suarez de censur. disp. 25. scilicet 1. n. 35. Gibel. eod. tit. pag. 544. in prin. Nisi dicamus, per illa verba, eligendi potestate privati, non infligi penam privationis facultatis eligendi, ut dixerunt Patres Concilii affirmant, ita electionem celebrantes esse suspendendos ab officio, & beneficio, & per consequens suspensione incurra, esse privatos facultate eligendi. Qui expostio faveret verba relata, prout leguntur transposita in d. cap. 25. Concilii.

COMMENTARIUM.

EX hoc textu talis deducitur assertio: Electus per laicos ad beneficium Ecclesiasticum, electionis commodum caret, & ineligi-

bilis manet, donec eum eo dispensetur. Probat textus in cap. si quis deinceps 12. c. quoniam 13. c. si quis Episcopus 14. c. iana 15. c. constitit 17. c. nullus 18. c. si quis 19. c. per laicos 20. c. quoniam 21. 22. 26. q. 7. c. laici 38. disp. c. cunctis 41. 16. q. 2. c. nullus 17. c. relatum, de iurapat. c. Massana, hoc tit. Greg. VII. in Synodo Romana, cap. 2. ibi: Nullus Presbyter ministerium Ecclesie, vel ipsam ab aliquo accipiat, nisi ab Episcopo, qui in iungat sibi curam, & obedientiam. Conc. Turon. sub Carolo, can. 15. Mogunt. sub Arnulpho, can. 15. Interdictionem videtur clericis, si laici, ne quis cultibus Presbyteri presumat dare Ecclesiam sine licentia, & consensu Episcopi sui. Wormatiensis can. 57. Nullus laicus Presbyterum in Ecclesiam mittere, vel eicere presumat. Nannetensis can. 16. Salegustadiensis can. 20. Biterrens. can. 24. Pictaviensis can. 1. Decretis sancta Synodus, ut nullus Episcopus, Abbas, Presbyter, vel quilibet persona de Clero accipiat de manu Regis, vel Comitum, vel quilibet laica persona domum Episcopatus, Abbatie, vel Ecclesie. Later. sub Alexand. III. in append. par. 1. cap. 9. Ecclesie, & decimas de manu laicorum sine consensu Episcoporum recipere prohibemus. Lateran. sub Leone X. sess. 9. & 10. extravagans, Debet, de officio ordin. inter communes. Alia juris testimonia congesterunt Ant. August. in epit. juris Pontif. lib. 6. tit. 11. Crespertius in summi. v. Beneficia, pag. 74. Illustrant ultra congestos a Barbosa in præfatu, & in d. cap. si quis deinceps. Petrus Gregor. de elect. cap. 5. & l. 4. part. tit. 7. cap. 2. Boetius Epon. tom. 1. q. 8. heptar. tit. de benef. num. 10. Renatus Chopinus de sacra pol. tit. 1. cap. 1. Lambert. de iurapat. 3. par. l. 2. art. 12. Petrus Marcha l. 8. concord. juris, cap. 19. Michael Rouellius, vel Regis, vel alius laici persona, v. r. ubi fessim suscipit. Quod si presumptis recognoscant investituram illam Apollonica auctoritate irritam esse, & usque ad dignam satisfactionem excommunicationis subsistere. Urbanus II. idem statuit in Concilio Claromont. can. 16. ibi: Interdictum est, ne Reges, vel alii Principes aliquam investituram de Ecclesiasticis honoribus faciant. Refert Villelmus Malmesbur. de gestis Pontif. Anglie, lib. 2. de Urbani Concilio: per hæc verba: In hoc Concilio Papa cum omnibus sententiam excommunicationis Urbani in laicos investituræ Ecclesiarum, & investituræ laicis, & in taliter investitis conferentibus, & in illis, qui pro ecclesiasticis honoribus laicorum homines sum. Idem statuerunt Palchalis II. & Calixtus II. ut refert Abbas Vindocinens. in opus. ad Calixtum Papam cap. 3. & 4. Investituram per virgam, & annulum accipere, nisi a suo consecratore, manifestum est esse damnosum, quia nulli laico licet illa Ecclesia sacramenta dare, sicut et non licet Episcopum consecrare. Et cum hæc controversia de

Sed hæc assertio ita illustrata difficilis reddidit ex eo nam si veteram Patrum, & Scriptorum monumenta repetamus, nihil utistatus invenimus, quam Episcopos, Abbates, & similes Prælatos de manu Principum Ecclesias accipere. Sic Ecclesie Arvernensis Apollinaris a Theodorico Rege Episcopus datus fuit, & post eum Quintianus Episcopus impositus, & mortuo Quintiano, ab eodem Rege datus fuit Antistes Gallus, contemptus votis Trevirensium, qui virum sanctum sibi in Episcopum expectabat. Gallo

suffectus fuit Cautinus a Theodobaldo Rege, cmissio Catone jam electo consensu Cleri, ut refert Gregorius Turonens. lib. 3. hist. cap. 1. & 16. c. lib. 4. cap. 5. 7. & 18. A Sigiberto Rege electus fuit Gregorius Episcopus Turonens. teste Fortunato lib. 5. cap. 2.

Hinc Sigibertus eorum faves, & Brunichildis honori. Judicio Regis nobile culmen adept.

Imo tam Episcopi, quam Abbates investituram suæ dignitatis a Regibus, & Principibus secularibus accipiebant, fideleitas illis promissa, Carnotens. ep. 60. Quod autem scripsisti, prædictum electum investituram Episcopatus de manu Regis accepisse, nec relatum nobis ab aliquo, qui videtur, nec cognovimus. Et epist. 199. & 236. D. Bernardus ep. 170. Quare in Germania, vacante Ecclesia virga Pastoralis, & annulus deferbantur ad Imperatorem, qui Episcopum, vel Abbatem per se electum per virgam, & annulum investiebat. Refert Auctor vitæ S. Othonis Episcopi Rambergens. c. 3. ibi: Quoties Episcopus aliqui decessisset et vita, Ecclesia, cui presbyter, baculum, & annulum ad Imperatorem transmittit, ab eius aula petens sibi dari Episcopum. Guallelm. Trianus lib. de bello sacro, c. 13. Inoleverat enim consuetudo, præsertim in Imperio, quod defunctis Ecclesiarum Prælati, annulus, & virga Pastoralis ad Dominum Imperatorem dirigebatur; unde postmodum unanimitibus de familiaribus & Capellanis suis investituram ad Ecclesiam vacantem dirigebat, ubi Pastoris fungere officio, non expectata Cleri electione. Sagerius Abbas in oratione Trevirensis Archiepiscopi, ad Paschaem II. in Ludovico Craso, ibi: Temporibus antecessorum nostrorum sanctorum Apostolicorum virorum Magni Gregorii, & aliorum, hoc ad vim Imperii pertinere dignoscitur, ut in majorum electione hic observaretur, antequam electio in palam proferatur, ad aures Domini Imperatoris perferre, & si personam deest, assensum ab eo ante factam electionem assumere: deinde in conventu secundum canones, petitione populi, electione Cleri, assensu honorariorum præsertim consecrationem libere, nec sine iussu ad Dominum Imperatorem pro Regaliibus, ut annulo, & virga investituræ. Nec tantum Reges, verum etiam Duces, & Comites Ecclesias ad libitum concedebant, ut de Duce Mosellanorum refert Sigibertus anno Christi 109. Dux Mosellanorum Dodericus post fratrem suum Albrarum dato Episcopatu Mersensem filio suo adinveno, tutorem ei substituit ipsam Dodericum. De Ducibus Normannie idem refert Ordericus Vitalis lib. 3. hist. Ecclesiæ, in Guallelmo II. ibi: Dux autem petitioni eorum acquiescit, & præfatu viro, qui electus erat per Cambutum, Ivonis Episcopi Sagiensis exterioris Abbatie potestatem dedit. De Comitibus Cameracensibus hæc refert Valericus Noviomensis lib. 3. cap. 11. Post obitum vero Domini Abbatis Puerri, qui Abbas, alterum post alterum Comes Rosperius substituit. Et generaliter de Proceribus Gallie refert Ordericus Vitalis lib. 1. hist. hæc verba: Sicut fratribus sua a Principibus erogabantur stipendia militie; sic quibusdam coronatis pro famulatu suo dabatur a laicis Episcopatus, & Abbatie, Ecclesiarum Praesbiterii, Archidiaconatus, & Decanie, aliæque dignitates, & potestates Ecclesiasticæ. Plura referunt Theophilus d. tom. 13. ex fol. 128. usque ad 130. Alteterra d. cap. 7. igitur si a laicis licet accipere investituram, & collationem Ecclesiarum, malo magis electioni de se facte a laicis licet consentire. Accipit praxis Hispanie, & Gallie eligendi Episcopos, ac Prælatos superiores per Reges, quam probavi in ca. 2. hoc tit. igitur licet a laicis Ecclesias accipere.

Quæ dubitandi ratione non obstante, vera est præfata assertio, pro cuius expositione sciendum est, olim in Ecclesia abutium introductum fuisse accipiendi investituræ Ecclesiarum per laicos. Ita vocabant intrusionem aliquorum in beneficia per potestatem laicam. Nam vestitura idem sonabat ac possessio, ut ex variis locis Capitularium probat P. Sirmundus ad Cap. Caroli, tit. 39. Investitura ergo idem erat, quod immo in possessionem, que quoad Episcopos, & Abbates fiebat, dato per Principem baculo & virga, ut refertur Juretus ad epist. 8. Ivonis, Theophilus d. 2. 12. fol. 128. Et licet similes investituræ prohibite reperirentur in can. 30. Apostolor. & Nicæna Synodo sub Adriano II. ad 8. & 10. tamen postea per duo sæcula, ab anno videlicet 1077. ad annum 1169. prædictæ investituræ valde usitate fuerunt, non obstantibus diuturnis, & asperis Pontificum contentionibus cum Principibus. Demum improbatæ, & damnatæ fuerunt a Gregorio VII. in Synodo Romana, his verbis: Quoniam investituræ Ecclesiarum contra statuta SS. PP. a laicis personis in multis partibus cognovimus fieri, & ex eo plurimas perturbations in Ecclesia oriri, ex quibus religio Christiana concutitur, decernimus ut nullus investituræ Episcopatus, vel Abbatie, vel Ecclesie de manu Imperatoris, vel Regis, vel alius laici persona, v. r. ubi fessim suscipit. Quod si presumptis recognoscant investituram illam Apollonica auctoritate irritam esse, & usque ad dignam satisfactionem excommunicationis subsistere. Urbanus II. idem statuit in Concilio Claromont. can. 16. ibi: Interdictum est, ne Reges, vel alii Principes aliquam investituram de Ecclesiasticis honoribus faciant. Refert Villelmus Malmesbur. de gestis Pontif. Anglie, lib. 2. de Urbani Concilio: per hæc verba: In hoc Concilio Papa cum omnibus sententiam excommunicationis Urbani in laicos investituræ Ecclesiarum, & investituræ laicis, & in taliter investitis conferentibus, & in illis, qui pro ecclesiasticis honoribus laicorum homines sum. Idem statuerunt Palchalis II. & Calixtus II. ut refert Abbas Vindocinens. in opus. ad Calixtum Papam cap. 3. & 4. Investituram per virgam, & annulum accipere, nisi a suo consecratore, manifestum est esse damnosum, quia nulli laico licet illa Ecclesia sacramenta dare, sicut et non licet Episcopum consecrare. Et cum hæc controversia de

De investituris.

investituris agitata esset an. 1119. in Concilio Rhemeni, & an. 1122. in Concilio Later. semper Calixtus II. similes investituræ damnavit: quæ Concilia edidit Baluzius ad Marcham lib. 8. cap. 21. Idem etiam statuerunt Alexand. II. & III. Et tandem Innoc. III. lib. 1. epist. 47. statuit ne defuncto Episcopo annulus ejus, & baculus Principi mitterentur, ut moris erat, ibi: Cum se, & vel aliquem suffraganeorum mori contigerit, baculus pastoralis, & annulus in Ecclesia remanent propria, sub sigilli subdiaconi constructi ad successorem usum, cum Deo favente consecrationem accipit. Et lib. 2. epist. 87. talem consuetudinem corruptelam appellat. Plura de his investituris, quæ magnas clades Ecclesie irrogarunt, cumulat Baron. tom. 11. ann. 1077. & tom. 12. ann. 1116. Boetius Epon. Frisus q. heroicar. de iure sacro, lib. 1. de regal. numer. 26. & 217. cum seq. Juretus in notis ad Epist. 60. 190. 233. & 236. Ivonis Carnotensis, Jacob. Greffert. in apolo. pro Hieronimo contra Foldasum, cap. 1. & contra replicat. lib. 2. cap. 1. & seq. Bolquetus in notis ad Innoc. III. lib. 2. reg. 15. epist. 78. & 87. Vincent. Cabotus lib. disp. de iure publico, cap. 5. Anton. Diana part. 10. tract. 1. ref. 5. & 6. Petrus Marcha lib. 8. concord. cap. 19. cum seq. Michael Rouellius, seu quis auctor est historie Pontif. jurif. cap. 5. cum cautione nec sine defectu legendus; alii apud Christophorum Besoldum tom. 1. politie, dissert. de Maiest. in genere, sect. 2. de Ecclesia Maiestatis iure, cap. 4. numer. 1. & 2. Joana. Chochier in vindictis liber. Ecclesie, 2. part. cap. 4. & 5. Theophil. Raynaud. d. tom. 12. tract. Mala & Bonis Ecclesie, sect. 1. Altesera de Ducibus, cap. 7. per tot. Franc. Florens ad titul. de translat. in fine.

Unde apparet vera præfatis decisionibus, jam enim a primi Ecclesie temporibus variis constitutionibus prohibuit legitimum, a laicis, & per manus ipsorum Ecclesias, vel ecclesiasticas beneficia accipere, ut constat ex variis canonibus congestis ad Gratiano in causa 16. q. 7. Et contra accipientes Ecclesias a laicis varia sunt statuta penæ: excommunicationis in c. quoniam 25. 16. quest. 7. depositio a ministerio ecclesiastico, c. quia 6. de iurapat. inhabilitas ad beneficia ecclesiastica, in præfatu textu, & aliis supra relatis; & magna cum ratione, nam Ecclesia semper curavit arceri laicos ad administrationem, & dispositionem rerum Ecclesiasticarum, c. 2. hoc tit. c. 2. de iudicis, ne laici invadentibus electionem, & prædictam dispositionem libere Ecclesiastica minueretur, & laicis immisceretur negotiis ecclesiasticis. Et quia accipientes, & consentientes pari pena puniuntur, ut vulgo docetur ex c. 1. de offi. deleg. inde non solum illi, qui a laicis eliguntur, verum, qui quomodolibet electioni consentiunt, æqualiter puniuntur. Et quia debet quis puniri in eo, in quo peccavit, c. nemo, de temporib. ordin. l. 6. ideo & clerici in electione delinquentes, & electioni consentientes, privantur potestate eligendi, & inhabiles redduntur ad beneficia ecclesiastica.

Nec obstat dabitandi ratio supra adducta; nam que in ea expendebamus, procedunt cum investituræ ipsius, seu potius abuti erant, cum adhuc Romani Pontifices similibus abutium propter potentiam Principum extirpare nequibant, usquequam Gregorius VII. & alii strenui in eo opere adjuvantes cum improbarunt, & damnaverunt, ut refertur Juretus, & Theophilus supra citati. Nec augmentum ipsius difficultatis refragatur; nam magni nostri Monarchæ, ut Patroni Ecclesiarum Cathedralium præstantur R. Pontifici Episcopos ab eo confirmandos, non autem propria auctoritate Ecclesias conferunt, ut pluribus probat, & eo solet, illustrat Illustrissimus D. Franciscus Ramos in memor. ad Alexan. VII. pro Episcopatu Lusitanie, profess. 1. in prin. & nos aliqua dedimus in cap. 2. hoc tit.

Superiori assertioni primo adversatur textus, r. dilectio, de rebus, ubi proponitur Joannem Comitissam Flandrie, de qua mentio fit in cap. fin. de concess. præb. licet disceptasse coram tribus delegatis super donatione, & collatione, sex præbendas, cum Præposito Arriensi; & cum ex iusta causa unus ex iudicibus rejectus esset, alius in ejus locum successus fuit. Supponitur ergo collationem a laica persona accipi posse; igitur licet impune de manu laici Ecclesiam accipere. Cui difficultati ex supra traditis satisfacti Boetius Epon. tom. 2. questusum, num. 2. afferendo Joannem Constantinopolitanum, Balduini Imperatoris filium iustpatronatus obtinuisse in Ecclesia Arriensi, unde ratione ipsius iustpatronatus potius præbendas in ea Ecclesia, & in aliis a se, vel a majoribus fundatis donare; quo casu non accipitur beneficium de manu laici, cum ejus collatio a proprio Episcopo fiat.

Eodem etiam modo intelligendus est textus in cap. cum inter, de consuet. in illis verbis: Decernimus, & præstantibus istius Ecclesie idem Rex, & progenitores sui conferant, & discedant etiam Episcopo inconsulto. Ex quibus verbis manifeste deducitur, laicum posse conferre Ecclesiam proprio jure; igitur licet a laicis Ecclesias accipere. Cui difficultati satisfaciendum est ex supra dictis, videlicet Ecclesiam S. Petri de Curia Genovanensium, ratione iustpatronatus spectare ad Regem Anglie; unde ratio ipsius iustpatronatus poterat ad Decanatum, & alios præbendas Canonice præsentare. Nec obstat verbum illud conferant; quod non nudam præsentationem, sed collationem omnimodam, etiam Episcopo inconsulto, demonstrat; nam verba supra relata tantum continent simplicem partis narrationem, non autem Pontificis decisionem, quæ diversa fuit: nec Pontifex decidit collationem inconsulto Episcopo potuisse

Ratio decidendi.

Difficultas dubitandi ratio.

Exponitur c. dilectio de rebus, ubi de collatione.

Exponitur c. cum inter, de consuet.